

Zeitschrift: Le nouveau conteur vaudois et romand
Band: 92 (1965)
Heft: 3-4

Artikel: Lè Triolè a Rojé
Autor: Bongâ, Mariëta
DOI: <https://doi.org/10.5169/seals-233880>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 04.08.2025

ETH-Bibliothek Zürich, E-Periodica, <https://www.e-periodica.ch>



Pages fribourgeoises

Lè Triolè a Rojé

Po rèpondre a l'invitachyon dè M. Luvi Gumy d'Avry s/Rojé, le comité d'l'Amicale di patèjan « Lè Triolè » l'an organijâ ouna rinkontra di j'èmi dou patè le dechando né 19 dè chaptanbre.

Dou momin k'èthi la vèlye dou Dzâno fédéral y l'è pochubyo ke ha dâta n'a pâ bin konvinyê, pérmo ke no j'èthan rintyè 32. Ma le piti nonbro ke no j'èthan, na j'an kan mimo pachà ouna bala vèlye è tsakon l'a rèpondu a la démanda dè M. Frnthè Mouron préjidan. Ly a dza bìn kotyè tin ke bayè la parola a ti lè patèjan ; tsakon a chon toa. Bin chur ke fouârthè nyon, ma l'è râ k'on léchè pachâ l'okajon dè dre ouna fariboula ou bin tsantâ on galé redzingon.

M. Henri Hyimin dè Friboua chè fê on dèvè dè vinyi inkoradzi lè patèjan dè Rojé ke l'avan l'intinhyon dè fondâ oun « Amicale » din lou kôtze. I l'a rènovalâ la démandâ dè mintinyi le bi lingâdzo di j'anhyan ke fâ anâ a nouthon payi.

Apri la mouâ dè tan dè bon patèjan y lè ouna koncholachyon dè vère ke di pye dzouno moujon dè prendre la rèlèvâ. Ora ke le premi pâ l'è fê y cherè a chouétâ ke M. Luvi Gumy chêyè mi konprê din chè j'intinhyon è ke chti kou kevin la châla chêyè mé okupâye. M. Gumy l'a rèmarhyâ le comité d'avi rèpondu a che n'invitachyon.

Dou momin ke ha rinkontra chè fajè in dëfro dou réyon, Mariëta Bongâ, chèkretéra, l'a yê in patè le reportâdzo d'la

fitha d'la bénédikchyon dou drapo d'la chochiètâ dè tsan « Le Muguet » in pyèthe dè protocole. Po ha velya y l'avêachebin inkotzi on piti koukau. I l'a yê 9 j'ichtouârè èkrite pê 7 patèjan è lè j'èmi dou patè dèvechan chavé dre dè tyinta kotze èthan è lè non di dzin ke l'è j'avan fê. Che lè jou on bokon difichilo ke nyon n'a trovâ totè lè rèponchè, l'è kan mimo j'ou on momin amujin ke tsandzè lè ko-themè di programe. No chin j'ou gayâ kontin dè vère lè bon j'abituâ a nouthre rinkontrè ke vinyan du Trivo, Bounafontanna, Arkouhyi, Néru, Grandzè-Pako è Friboua. Ke lou j'efouâ chêyan on'échpérinthe po l'avinyi dou bi lingâdzo ke no défindin. I rèmarhyèrè dè to kà le valyin M. Bourdyè dè Trivo ke l'a léchi pachâ ouna marinda dè nothè po vinyi no j'onorâ dè cha préjinthe è no kontâ dè chè gouguenète.

Bin di tsan in patè l'an rèjenâ din ha vèlye è mè pyéjô dè rèlèvâ lè balè voué dè M. Mimat, cha filye, chin oubiyâ M. Terreaux d'Arkonhyi nouthon novi minbro dou comité.

Apri ke l'a mintinyê le dzouyo to gran din chta rinkontra, M. Franthè Mouron préjidan l'a yê on'ékri dou Révéren Pére Yodo Botting bin konyu din nouthra kotze.

No j'an hyou l'achinbyâye pê on tsan bayi pê ti lè patèjan è no no chin tyithâ in no dijin : A rèvère ou mi dè novembre ou Pafuet.

Mariëta Bongâ.